

經略復國要編

經畧復國要編卷之十四

奏繳

勅諭符驗疏

四月初十日

一為進繳

勅諭符驗事萬曆二十年九月二十六

日臣欽奉

勅命經畧薊遼保定山東等處防海禦

倭軍務臣即前去薊遼等處欽遵

勅諭內事理將

各鎮防海事宜通行申飭隨宜調兵置器渡江救援

朝鮮今已交代事竣及將節領馬價併

欽賞銀兩

造冊奏繳訖所有原領關防一顆并

令旗令牌各

十二面副俱咨送兵部轉送禮工二部另繳謹將原

奉

勅諭符驗理合具本專差指揮親齎進繳謹具

奏聞

計繳原領勅諭一道

達字三百三十九號符驗一道

辯明心迹疏

十二日

一為孤臣去國心迹當明懇乞

聖慈特賜查核以昭公道事伏臣荷蒙

皇上俯憫疲病難支業放回籍調理目今奏繳事竣即當輿疾南奔自此依棲畎畝苟延歲時一息餘生皆出恩賜分宜絕口東事一聽國是主持第緣封貢群口論臣有謂無功有謂有罪有謂欺誤有謂奸邪有

謂用賄媚倭有謂屢催求表有謂謬聽和親不肯主  
戰有謂耽延封貢推非已出有謂當黜有謂當誅者  
連章累牘洗垢索瘢臣不敢曉曉置辯誠以仰賴

皇上日月之明與今時後世自有公論在也惟是用賄  
媚倭則干錢糧屢催求表則關國體謬聽和親耽延  
封貢則係國是均非細故臣病且回籍今不明言請  
旨查核則羣疑終於不解臣心何由得明是萬不獲已  
而哀訴於

君父之前伏惟

陛下垂察焉頃因倭陷朝鮮請援孔棘遼左畿輔患在

剝膚臣奉 命經畧係二十年九月終旬而抵遼則  
於是年十一月二十日也當其時大將未到兵馬未  
齊芻糧未集器械未備時日逼促百無一有乃晝夜  
督催分投料理始有頭緒至十二月初八日提督李  
如松自京至遼一力主戰與臣同心故遂誓師渡江  
深入異域克平壤收開城大戰碧蹄箭射金甲調兵  
南原得保全羅恢復三都八道者實將士如松等血  
戰蹇斬之功退咸鏡復王京歸釜山迄今不敢西犯  
者亦策士沈惟敬等羈縻間諜之畧麗國山河宛然  
如舊臣等職業非為不盡而議者不諒謂臣捐二十

萬四十萬金賄倭使退夫所謂賄倭者非幣帛即金錢綵繒數百車金錢數百橐千里輸運萬目昭彰非隻手所能掩藏也且朝鮮幅幘五六千里土地物產頗稱饒富倭奴一旦竊據乃肯舍之不為已有而顧受臣數十萬金之賄倭雖至愚不如是也藉令臣以二十萬金賄倭經畧衙門並無別項措處勢必取之馬價總計節次解發并欽賞銀共六十五萬兩除三協并防海官兵欽賞二次共用銀一十三萬五千七百六十五兩零給賞三協首級銀八萬三千九百五十兩不算外山東糴買糧料銀五萬兩寧前道

糴買糧餉銀二千三百一兩三錢五分各道收買硝  
黃置造軍火器械銀共二萬一千六百一十五兩零  
霸州道置造火箭物料銀三百八十二兩零俱見貯  
各道副將楊元并各將家丁行月糧及寺馬草料乾  
銀共六萬三千六百餘兩薊鎮家丁騎馱馬匹補支  
料草銀六百餘兩叅將周易下并復州營哨丁支過  
鹽菜銀四十一兩八錢俱該餉司補還買補沿途倒  
死戰馬銀二千七百六十三兩二錢銀花段疋等項  
及各官扣還事故軍丁等項銀三千餘兩支剩見在  
銀七萬九千一百六十餘兩以上各項俱實在之數

皆可作見在之銀是所餘馬價尚共約銀二十三萬  
餘兩而軍前如官軍廩糧犒賞等項支用實用銀止  
二十一萬餘也若以此數媚倭則臣軍前所用何物  
以四十萬賄倭則餘二十萬兩又出何處况收支有  
官開銷有冊種種條析無容分毫可得假借虛冒者  
新近造報奏冊可核而見也所謂求表和親臣查自  
經畧以來為封貢而奉有

明旨者凡七次臣今不敢盡錄以煩 聖聽姑述一二  
萬曆二十一年九月十七日本部尚書石星覆臣申  
明講貢始末一疏節奉

聖旨是你部裏作速傳諭宋應昌許其上表稱臣永為  
屬國仍遵旨免其入貢以防內地奸民勾引生釁欽  
此又於本月十八日本部題為衰病愈甚樞務難勝  
等事奉

聖旨昨有旨待倭奴盡數歸巢仍取有稱臣服罪永無  
侵犯表文許封不許貢朕自定計何畏多言欽此臣  
查款貢一事臣實借此賺倭平壤之克王京之出釜  
山之歸雖藉將士策士之力而兵不厭詐亦每用此  
着而陰助之兵機宜密難向人語人每不識而議之  
臣於未復王京以前臣實未曾題請封貢也倭在王

京乞款臣始言之然臣止是請封未曾請貢但惟敬  
至遼陽時贊畫主事索黃曾言倭中人有指封貢為  
和親說話臣與贊畫劉黃裳大駭面折其非索黃不  
悅遂條陳征倭有十不利之說此二十年十二月初  
間事也當時劉黃裳亦曾言能行吾之所明不行吾  
之所疑戰者吾所明也封貢吾所疑也臣是其言一  
意主戰守之事封貢一着置之不論迨十二月初八  
日提督李如松到遼陽臣即將所調各鎮將領兵馬  
標下征倭將丁并沈惟敬等及置造一應軍火器械  
檄行李提督盡數統領節制仍行牌與提督將惟敬

拘住防範不許進倭營泄漏軍機牌稿見在方破平壤有正月八日之捷若云臣不主戰則打造軍火器械拘留沈惟敬在標下不許復進倭營果何為也況臣於二十一年正月初四日曾具主戰一書達輔臣王錫爵趙志臯張位本兵石星兵科都給事中許弘綱各有回書以臣言為然諸臣俱在

陛下可召而問也臣之書稿見存可取而覽也嗣後本兵於本年九月十六日疏亦言經畧陰遺臣書倭將雖願退平壤然實輕我若不大創後効難收臣亦是之等語又可證也臣始終用兵力戰即後設計講封

並不講貢兒悖謬如和親乎臣昨面諭小西飛云如  
果真心向化畏懼 天朝只許一封若又求貢連封  
不允小西飛叩伏不起只討 天朝一封臣許既然  
真心向化待表文一至替爾上本求封西飛叩頭此  
在廣寧當堂公言難掩大小官員及跟從人役之口  
且今西飛不日到京而臣差官如沈惟敬孫文道楊  
安李勝等李提督差官如譚宗仁王自強等皆親入  
倭營與行長覲面講封俱各見在可審也至於催取  
表文臣因奉有許封

明旨兼有本部咨文故臣屢次差官詣營宣諭不過數

楊

聖旨傳達部文使倭上表乞降受封歸國以完國事豈如言者所謂賄賂私求之哉若耽延封貢倭於去年七月退歸金山復搶金羅此時倭情尚在反覆豈敢輕信輒上封疏須待表文已到查果恭順飛首面鞫委無別求纔可代彼上本擔封近聞關白表文正月二十三日出金山倭營三月初四日已至遼陽而總督顧養謙疏請封貢果在表文已至之後耶抑未至之前耶如果表文一至只討封號臣請且與之封使其歸國貢則封後二三年視其順逆若何另行議處

此臣題請初意也。邇此寧息，仍催劉綎急督朝鮮君臣上緊修守以防後患。如是而後復有事，臣願一身擔當，不敢推諉。倘今節外生枝，與臣原題不同，則與臣無干矣。臣今若不明言致後事體有誤，臣心不明。臣罪何解？當時臺省諸臣交章論臣，臣不敢辯者，謂全言官之體宜爾也。而言官之中，豈無公道了暢此事機者哉？朝鮮為我國喫緊藩屏，全慶為朝鮮喫緊門戶。此臣屢屢言之者，其他瑣屑之事，臣俱付之公論，不敢喋喋置喙多為辯說也。伏乞勅下兵部覆查臣經畧之時，有無用財賄倭有無催求表文有無。

取用別項錢糧是否聽和誤戰是否封貢耽延逐一查覈明實具奏有則臣甘斧鉞之誅以爲欺罔者之戒無則臣之心迹得明臣雖抱病跼伏生有餘榮死亦瞑目臣不勝激切籲天待命之至

朝鮮耆老攀轅軸文

朝鮮國平安道定州牧耆老士庶軍民人等誠惶誠恐稽首頓首謹再拜獻於

欽差經畧薊遼保定山東等處防海禦倭軍務加一品服兵部右侍郎大老爺台座伏以粵我青維錫壤分治肇自太師久被東漸海晏波恬不識兜鈴

蠢茲卉服跳梁析木蜂蠆有毒要我假途覬覦窠  
區謂天可誣嚴辭斥絕凜若霜雪吾王忠烈羊狼  
狼貪怒視耽耽薦食於南邊將敗衄生民蕩折為  
魚為肉播遷西土稅駕無所葵忱益固惟我

天子明見萬里豈容封豕元戎推轂相度來飭天

威咫尺緩帶柳營牙門畫局萬馬無聲指揮諸將  
風霆震盪白羽在掌額額箕城鐵壁如屏巢窟已  
成天兵躍入火星叢集腥薰幽螫勢成破竹進蹴  
松岳如振其穽兇鬼駭散卷甲鼠竄夜涉江漢匪  
疾匪遲亦正而奇處置得宜莫民榆塞洗兵炎海

功存萬代繫公未至如墓之累未墜於地妖祲既  
豁若育之刮快覩天日山河依古再造區宇公我  
父母優游暇息仰事俯育是誰之力公勿遽歸使  
我涕洟東民具依伐石冶金豈盡德音刻在吾心

朝鮮耆老攀轅軸文

朝鮮國平安道義州鎮耆老士庶軍民人等誠惶  
誠恐稽首頓首謹再拜致詞於

欽差經畧薊遼保定山東等處防海禦倭軍務加一  
品服兵部右侍郎大老爺台座伏以威鳳先覩之  
快爭仰瑞世之儀泰山不足為高獲見曠代之績